

MADALI PROVERBIA

NCUNABULI

7
2

25

Biblioteca Nazionale
Centrale - Firenze

Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.7.25





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.7.25





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.7.25





Early European Books, Copyright © 2011 ProQuest LLC.
Images reproduced by courtesy of the Biblioteca Nazionale Centrale di
Firenze.
Magl. L.7.25


L
7
25

















17.
2

IO. BAPTISTAE MADALII
CORTON. AD PETRVM
FRANCISCVM MEDICEN

PROVERBIA.



ARVE liber celeri Medicus pete limi
na gressu:

Grataq; fer domini dona futura tui.

Nanq; licet tota uates ex urbe fugetur:

Vsq; tamen musis hec domus una
patet.

Vade sed admissus fac commoda tempora serues:

Nam mage captato tempore cuncta placent.

Cum tua conspiciet placido munuscula uultu:

Madalius dicas hoc tibi mittit opus.

Cur mensura brevis tibi sit si forte requirat:

Dic uirtus paruo corpore maior inest.

Maius erythrei precium meruere lapilli:

Quam de tyrrhenis grandia saxa iugis.

Quid mirum est uastum si flumina continet equor:

Id fluuius totum si capit equor: erit.

Hinc si scire uelit potius cur disticha mittam:

Dic uulgata breui carmine dicta iuuant.

Idemum felix: at si mordebere: dentis

Cum tibi sit medicus uulnera nulla time.

AD LECTOREM



HAEC lege uulgaris tercetū disticha uerbis:
Dicere qui breuiter grandia sensa cupis.

Aut bibat aut abeat qui uult mea carmina secū:
Non facit ad rigidos blanda camaena uiros.

Defuncto barbam vellit quicumq; leonī:
Segnis ad eurotam sepe sedere solet.

Vna simul binas uolucres transenna fefellit:
Hoc potes aucupium iure uocare bonum.

Te peruenturum ad frugem despero sub istis
Vestibus: est felix mane notanda dies.

Accipiter uenit: mirari desine: tempus
Cantio si uolucris defuit ante suum.

Quem post facta piget: grauior sibi poena uidetur.
Sed praeuisa minus uulnera cuiq; dolent.

Pingere ceu tabulas solet una fidelia multas:
Sic etiam multis res ualet unadari.

Consilium in media capiat gladiator arena:
Nam secus effuso sanguine uictus erit.

Sustulit hic uitulum: poterit quoq; tollere taurum:
Nam cui parua placent: magna placere solent.

Ille nec immerito, sitiens occumbere posset:
Qui maris in medio gurgite querit aquam.

Perfricuit faciem: sed nil profecit Alexis:
Ora uerecundo tacta pudore rubent.

Omnis habet mutam facies pulcherrima laudem:
Hac tua num muta laude carere potest?

Maïorum sequitur uestigia recta uirorum:
Quæ manet ex meritis fama decusq; suis.

Est in consilio ductoris strenua uirtus
Militiq; seruant cetera membra caput.

Falleris: hircino loris ex tergore sectis
Non opus est cedi: mater ut esse queas.

Ne tantum tumeas: ab eodem nomine dicta
Hæc studia humanos nos magis esse uolunt.

Vna aliam trudit fallacia: fallitur omnis.
Fraus a fraude: sua uincitur arte dolus.

Vultur adest: aliquod potes expectare cadauer:
Non fallunt priscis signa notata uiris.

Non est posse homini pro uiribus usq; uolendum:
Sepe fit asperius dulce quod ante fuit. .a.ii.

Qui paruam alterius festucam in lumine cernit:
Ingentem in proprio non uidet ille trabem.

Nare procellosos rentas sine cortice fluctus:
Sed caput impatiens obruet unda tuum.

Vulpis more pirum comedam licet: omnia uincam:
Quod scio continua nescio fronte: feram.

Sermo animum reddit: nec rerum fallit imago:
Dant quod habent semper lignea uasa merum.

Vulpinam pellem qua non venit illa leonis
Consue: si virtus non ualet: adde dolos.

Inter cyaneas tutus non nauigat omnis:
Naufragium paritur: qui facit illud iter.

Formicam laqueus retinet splendentibus alis:
Sepibus his autem nulla remansit auis.

Ni te postremum fecisset Mysia ciuem:
Inter magnates iure locandus eras.

Diuitie profunt: animus si tractat habenas:
Sin contra dominos precipitare solent.

Syrenum cantu demulceor omnibus horis:
Res mihi cum tribus est: quis superesse potest?

Recta uel in tenebris proprium dat fama nitorem:
Lumen in obscuro clarius ignis habet.

Consuetum patitur uitium nisi corrígat omnis:
Qui uitis parcit: moribus ille nocet.

Pollicitis maneat: polium ne sponte sequaris:
Immemorem uerbi non decet esse uirum.

Quisq; senex aquilam canis imitatur in annis:
Mamma senum merito dicitur esse merum.

Si puer erubuit: color est uirtutis in illo:
Sin minus est uitii: signat utrunq; polus.

Hec panem ostentat: lapidem fert illa: caueto:
Rara sub aspectu firma priore manent.

Si malus es: parcas aliis: si recta reperta
Est tibi: cur aliis hoc iter esse negas?

Stramina q̄ gemmas semper magis optat asellus:
Quid sibi cum gemmis? cognita quenq; trahunt.

Sic nos sub specie uirtutum crimina perdunt:
Mixta uelut dulci toxica melle necant.

De superis tantum rauca ne uoce queraris:
Quę uenit ex merito: non male pęna uenit.

Cum uilis totam ridet te turba per urbem :
Dic tecum ingenti prosperitate fruor.

Non est parua domus: multos quę claudit amicos:
Quę paucos capit: est parua: sit ampla licet.

Est vlciſcendum nunquam cum crimine crimen:
Ultio deterius ſemper haberet iter.

Omnis mors odio eſt: ſed fit ſapientia morte:
Haud danno alterius lucra carere queunt.

Vnum qui ledit: multis ledendo minatur:
Inq; fugam taurus vertere quenq; facit.

Arbiter eſt oculus parula ſi certior aure:
Credere quo ualeas cernere cuncta velis.

Quem rotat in girum ſubitis Rhannuſia pennis:
Speret fortunam poſſe redire ſuam:

Rebus in aduerſis iniuria riſus habetur:
Letus læta quidem: triſtia triſtis amat.

Plus valet indubiis audacia plurima rebus:
Quam timor: infirmo cuncta timore cadunt.

Femina coniugii diſcordes tractat: habenas:
Parendoq; iubet ſic modo caſta: uiro.

Inclusus morerere fame: si caspius esses:
Et te uicturum semper in orbe putas?

Si dimittenda est occasio nulla cauendi:
Cur non ardenti queris ab igne fugam?

Penitet hunc propterea: citius qui iulicat equo:
Iudicium melius uerba retenta ferunt.

Ne fraudes Genium: est etiam capienda voluptas:
Debet quisque suis rebus habere modum.

Extremis digitis attingere cuncta uideri
Qui cupit: audaci fur rapit inde manu:

Candida marmorei laceras cur saxa sepulchri?
Nil profecturam Versus es in rabiem.

Hic homines tanto potiuntur honoribus astu:
Vt uel in hircanis degere prestat agris.

Iudicibus nummos cum dat bene perdere fontem
Vulgaris merito dicere turba solet.

Quod placet innumeris: custos non sufficit unus:
Quisque malus certe si uelit esse potest.

Si non esse locum sine teste putaueris unquam:
Officient animę crimina rara tui.

Qui se uictorem uincit: bis uincere dicunt:
Sic quoq; bis proprio qui perit ense: perit.

Quisq; tolosanum cum tempore possidet aurum:
Copia si fuerit non bene parta sibi.

Ne mirere bonam faciat quod curia legem:
Lex bona de turpi more uenire solet.

Esse bonam ad frugem nollet se nemo' receptum
Vel malus: hunc mundi uincla sed arcta tenent.

Tarda leuem celeri cursu testudo molossum
Præuenit: quamuis res noua uera tamen.

Cecropidum uetus exemplum renouemus amici:
Mutuus in nostro pectore uiuat amor.

Lumbricum transenna tenet: sed turdus abiuit:
Auscipium solita deficit arte tuum

Qui rectam sequitur peccat: cum crimina prosint:
Nonne uides prauos prosperitate frui?

Vila queri de qua nequeas tam prospera nunquam
Sors tibi succedet: res habet ista uicem.

Agmina peccantium sceleris mos perditus auge:
Cum sociis proprium quisq; tueretur onus.

2
Cuncta tibi tradam: fueris si factus ad unguem:
Sin contra-melior phryx mihi semper eris.

Qui colit alterius fundum: nec cetera curat:
Incultum propria deserit arte suum.

Vt tua me totum uehemens audacia sepsit
Non ita pompiliū circulus antiochum.

Te prius inspicias: qui carpere niteris omnes:
Vt libeat quemuis morsibus inde petas.

Quod cupiat scit amans: sequitur sua uota: nec ūquā
Quod sapiat: parili pendere lance solet.

Cum tibi blanditur uultu fortuna secundo:
Captatum accedit: tunc magis ipse caue.

Cuncta nihil debens uiuit per secula felix.
Nam se suprema peste carere uidet.

Deberes animam saliaribus improbe cenis:
Presbiter assiduam in tibi ferret opem.

Ne mea quere tuo pro carmine carmina uates:
In permutando munere Glaucus eris.

Plus placet alterius nobis spectantibus aurum:
Plus aliis nostrum: sic aliena iuuant.

Te potius uellem mores seruare uetustos:
Priscaq; linquentem uerba moderna loqui.

Difficilem cunctis ad crimina præbeat aurem:
Qui seruare animam uult sine labe suam.

Abiectum quamuis hostem decet esse timendum:
Vmbra namq; suam quisq; capillus habet.

Vincere ad exitium res hæc inhonesta uidetur:
Cum punire suos sit potuisse satis.

Non peiora dabit uitiis gens postera nostris:
Culmen inaccessum crimina cuncta tenent.

In quancunq; domum clementia uenerit: illi
Cum magna fuerit prosperitate quies.

Affiduo turpem deducit crimine uitam:
Qui putat in nullo tempore posse mori.

Si facilis timido sors conuenit aspera forti:
Aspera nam timidis non datur herba uiris.

Crede mihi pariter laus & lasciuiâ nunquam
Concordes una sede manere queant.

Prosper naufragio uentus cognoscitur omnis:
Quis bonus esse nequit: dum freta tuta silent?

Cui nouus exoritur: ueterem quoq; capiat honorem:
Ille sed indigno dedecus esse solet.

Hæc tria sunt incerta: uolet qua parte uolucrís:
Quæ uia sit puero: quod legat anguis iter.

Quę nasci iubet atq; mori: lex omnibus una est:
Eua sit natum non deus ipse suum.

Pronus in aucupium clausis se deicitalis
Turdus: habet proprios sibilus iste modos.

Si meret: haud equum est alienę parcere famę:
Est hominis potius fama tacenda mali.

Te tenet hippodromus frustra: nec habebis honorem:
Nam tuus a leua parte reflexit equus.

Omnibus in terris homines ita tempora ludunt:
Quod fugiam aut optem res latet ista mihi.

Marmoreum frustra tentas donare colossū:
Ad tales faciunt munera nulla uīros.

Si dolor est hostis leso medicina doloris:
Inueniet finem nulla medela suum.

Hic certaret adhuc: quamuis tibi debeat herbam:
Andabato secum prelia more geras. . bii .

Quos furor exagitat, socios committere neli:
Eripere iratis non dare tela decet.

Ne letare nimis subito cui prospera surgunt:
Cuncta ad perniciem nam cito leta cadunt.

Quæ cupiunt multi, numerosa pericula præbent:
Supremus uario queritur ense locus.

Alterius comitem facundia uectat eundo:
Est opus at subito sint sine dente sales.

Vtilibus nunquam nocuit dilatio rebus:
Magna facit iultum quem nimis hora fouet.

Ingratum satis est hominem dixisse: malignos
Qui tantum uitio nos docet esse suo.

Magna nec ingenuus patitur, nec iurgia fortis:
Quorum alius leuius debet uterq; pati.

Nil refert, quo animo facias, fecisse quod atrum est:
Facta patent tantum; mens animusq; latet.

Cui semper dederis, suades auferre negando:
Ante caue: legem mos ueteratus habet

Ex rapto semper discordia nascitur omnis:
Cur nunc bella fremunt? quæq; rapina iuuat.

Cum contennuntur citius discrimina surgunt:
Sed metuens labem non cito labe perit.

Acrius efficitur maledictum interprete: semper
Stercora fetorem dant magis acta suum.

Omnia conueniunt pariter non omnibus annis:
Est fructus iuueni crimen amare seni.

Si salis ante opus est modium consumere secum
Quam cognoscatur: rarus amicus erit.

Stras inter saxum & sacrum: tibi iure timetur:
De te iam certa est alea iacta manu.

Vendita libertas munus capientis habetur:
Si bene metiri cum ratione uoles:

Obiice discreto nunquam bene facta sodali:
Qui meritum dicit se tribuisse: petit.

Delicias cum luditanus dat sedula morti:
Linquere nam tetri carceris antra cupit.

Quisq; sibi equalem mulierem inquirere debet.
Impar pernitie dissidet omne graui.

Res aduersa probat / sed prospera reddit amicum:
Dum sequitur corpus sol nitet / umbra suum.

Audendum est: forti præstat fortuna fauorem:
Cordaq; felici sorte puella carent.

Cum metus interior iuueniles auferat annos:
Quam miserum est fieri sic metuendo senem.

Nec cytharam pulsat nec cantat rector olympi:
Cura grauem grauior debet habere uirum.

Queq; suos regio retinet uel paruula cantus:
Viuorum in mensa te meminisse uelim.

Corue cadaueribus - volucrisque sacra reliquit:
Vesceris: & palmam primus habere putas.

Melle nouo - ac ueteri uino iam confice mulsum:
Ad rem sunt mediis cuncta parata suis.

Non tibi tam facili concedam lampada cursus:
Vltima supremis uiribus herba datur.

Dans meritum sumis - digno qui tradere curas:
At testis nulli mutuus esse velis.

Sunt tibi romulidum tria nomina more quirinum:
Dedecet ingenuos ludere ventre uiros.

Aspice quid facias - gemina tibi parte timendum est:
Fidum in consilio possidet hostis equum.

Sedula ceciacos imitatur femina flatus:
Ad se qui flando nubila pulsa trahunt.

Pro te iam nati comedent cum lentibus offas:
Talía nec pleno te pudet ore loqui?

Cum malus esse bonum simulat se pessimus est tunc:
Effuge in alterutrum colla reflexa latus.

Fertilis est oculus domini gradientis in agro:
Fac tua te noscant omnia semper herum:

Fertur obumbrari nimium sapientia uino:
Vim tamen ingenii quis negat esse merum?

Iam uia deficiet: ne quære uiatice tantum:
Nil poteris tecum ferre: quietus agas.

Crus planus ecce semel fregit: nec creditur illi:
Mendacis perdunt omnia uera fidem.

Te duce finitimi gaudere cupiuimus omnes:
Gaudia sed rapidi nostra tulere noti.

Si patitur tempus quam fare libentius audi:
Claudere qui os nescit: nescit & ille loqui.

Tam modicum inficias nolo: ieiunus abibis:
Arcta licet modicum non olus olla legit.

In neruum erumpes pariter se cornua iungunt:
Omnia sufficiant quæ satis esse uides.

Siste parum quæso ulterius procedere noli:
Dic mihi tam pinguem quis tibi fecit equum?

Esca uelut pisces homines ita munera captant:
Subdita muneribus fasque piumque manent.

Esset apud Carcs faciendum hoc fortibus armis:
Nonne pudet talem te lacerare uirum?

Altus es ipse nimis: quis te comprehenderet unquam?
Ad puteum restis non facit ulla tuum.

Qui delatori patulas accomodat aures:
Hora sibi placide nulla quietis adest.

Quæ uirum ante fuit nunc assentatio mors est:
Qua quoque si careas sorte carere soles.

Quem iuuat in neruum semper pro uiribus ire:
Non debet quando fallitur ille queri.

Fleui quæ uolui postquam mihi parta fuerunt:
Quenque magis semper cognitiora mouent.

Hic se se furti nodo magis alligat arcto:
Nec tibi iam faciem perfricuisse iuuat.

Aquo multa solet clementia sepe requiri:
Ille est ingentis maxima causa mali.

Crede mihi simplex subito si uenerit ortu
Consilio superat femina quæq; uirum.

Ille sui causa nunquam uixisse fatetur:
Qui propter sequi uulnus amoris obit.

Nunc opus est fato concedere: nam male secum:
Heredem medicum qui facit: eger agit.

Omnia quæ dubitas si tu non feceris unquam:
Succedent uotis prospera cuncta tuis.

Semper in exitium domini mortalia casum
Ni bona quæ ueniunt sustineantur: habent.

Difficilem fac ipse feras læto ore ruinam:
Vt facilem leuius tum tolerare queas.

Sic magnam inuicto regi dant plurima laudem
Supplicia: ut medicum funera multa decent.

Fictam nemo diu poterit deducere uitam:
Naturam in propriam ficta cito recidunt.

Noscitur absq; aliquo nunquam fortuna dolore:
Sed tunc præcipue cum uenit apta malis.

Qui tempestati succumbit seruit honeste:
Quod prudentis opus dicitur esse uiri.

Dum manibus tremulis elephanto trederet assens:
Dirigit subito musa retenta metu.

Inte cognosci perturpe quod obiicis esset:
Qui carpunt iisdem non decet esse notis.

Si tibi non laudem sine theseo bella reportant:
Quem uestrum maior gloria iure manet?

Erudiendo uiis prestat: melioribus uti:
Ingenia hec facili sunt facienda manu.

Vade nec expecta: nam re tua uota carebunt:
Ista tibi mecum cœna canina foret.

Rebus non uerbis credas: nam quod magis optant
Sepe negant homines: quo sua uota ferant.

Quos in se sentit socio largitur honores
Omnis: mel etenim nil nisi dulce sapit.

Ni mutes aliam meliori sydere uitam:
Tristia seiani iura tenebis equi.

Quod desit non uelle sibi sed posse fatetur
In reliquis seruis si male mitis erit.

Ardentem trísti patitur si corde dolorem
Aegrotus :uultu frigidus esse solet.

Laus a laude quídem uirtus a palladé fertur:
A flamma lumen surgit ab igne calor.

Sisyphæum semper cogor detrudere saxum:
Tantaleamq; fero nocte dieq; sitim.

Te díuerfa breuì sub luce negocia tangunt:
Mandere lentiscum desine: tempus abit.

Hic torquet collum: longe fuge: munera uellet
At mea: si Glaucus cum Diomede forem.

Te tua quo tendes semper fortuna sequetur:
Seu bona seu mala sit: fors sua quenq; tenet.

Heu quam difficile est habitae custodiae famae:
Lincea uix essent lumina mille satis.

Qui mecum incedis dicit fortuna secundum
Aspice quod possis perdere: casus adest.

Sí tua perferrem facerem mea crimina: nunquam
Vir bonus erranti commodat obsequium.

Tolle meum atq; tuum: fiet pax optima rerum:
Omnis & expulsa lite quietus erit. . c ii .

Tantaleum nobis satis est libasse liquorem:
Non opus est sacras tangere rursus aquas.

Quod tibi lux donat timeas: redit illico raptum:
Nanq3 cito ut ueniunt cuncta: redire solent.

Pulchra nigredinibus laudatur foemina ternis:
Laudari haec nigro tota colore potest.

Si tibi uis regnum longe sitis absit habendi:
Omnia nam certe qui nihil optat habet.

Sola laboranti merces solatia prębet:
Hinc sua ne perdat premia quisq3 labor.

Aeger in aspectu spectacula turpia tradit:
Tristitiam pellas si potes ergo grauem.

Fornicis in medio furia flagrante peribis:
Si noles igni consuluisse tuo.

Est bona mors homini quae delet crimina uitae:
Si quoq3 dent saeuam uulnera mille necem.

Qui sibi non praestat taciturna silentia: nunquam
Exigere a socio conuenit illa suo.

Defuerit nunquam cupido sua causa negandi:
Inueniet paruo tempore mille uias.

Inuitum retinens stimulus exire : repellens
Stare iubet: uetiturum quisq; tenere cupit.

Culpam in se uitat: qui crimen praeterit atrum;
Dic rogo: quem culpa posse uacare putas?

Quae uariis reficit cultus: iucunda uidentur:
Haec num grata tibi quod uideantur: habent?

Paruula pauperibus: sed avaris omnia defunt
Materia uotis conueniente suis.

Qui rogat indignum: similem se iudicat illi;
Nam merita debent omnibus esse preces.

Aspice quam puras nullo uel munere palmas
Quisq; deo admoueat: mens mouet ipsa iouem.

Hostem pectus habet grauiorem sedibus imis:
Idem sed patulo degit in ore leuis.

Ossibus in mediis uiolentum expertus amorem
Compatiens miseri semper amantis erit.

Bis gratum esse scias semper: quod traditur ultro:
Ingrata est longa gratia cuncta mora.

Est bonus in nullo cupidus: sed pessimus in se:
Dum comedit semper deteriora domus.

Occidimus quoties proprios amittimus usquam :
Nos fors innumerae pessima mortis habet.

Blanda tenet tacito sub pectore lingua uenaenum :
Ne te decipiant dulcia uerba caue.

Qui dolet & queritur lenit sua uulnera questu :
Sed miser heu dolor est in cruce uoce carens.

Sumit opem in nigro qui tempore commodat albo :
Rebus in aduersis dona secunda iuuant.

In medium de quo nequeas afferre querelam :
Quam miserum est quod te ledat : & addat onus.

Quisq; sui memor infausti miseretur : & ultro
Auxilium praestat quod tibi ferre ualet.

Oedipus non sum : dic planius omnia recte
Haec tua nescio quis uerba tenere queat.

Nulla graues animos anceps sententia uexat :
Semper in expertum durius esse solet.

Ex dulci uino mordacius exit acetum :
Raro sed grauius prouehit ira probum.

Vitrea fortuna est cum splendet : frangitur : ergo
Fac caueas : illi uel leuis ictus obest.

Iam nihil in terris homines amittere possunt:
Cui nō perdendum est, perdidit ille fidem.

Si multis placeas, tibi uita placere nequibit:
Namq; sibi ac multis nemo placere potest.

Qui non uult misereri, nequicquam ille rogatur:
Flectuntur nulla saxea corda prece.

Quod nequit inuerti, ne culpes ferre necesse est:
Sic nos causarum tendere causa iubet.

Munere non magno, pura sed mente mouetur
Iuppiter: hoc tantum flectitur ille modo.

Est fortuna semel nulli contenta nocere:
Sed solet ad notam saepe redire domum.

Fallitur ille minus, celeri cui uoce negatur:
Promitte atq; nega, tu tua cuncta cito.

Plurimus exorta furor est muliebris in ira:
Namq; sub hoc sexu non habet ira modum.

Qui metus est multis, multos uereatur oportet:
Subdita sub proprio cuncta timore manent.

Non tam difficile est homines se posse repelli
Quam falli: passim fiat utrunq; licet.

Qui sibi diuitiis reliquos prestare uidetur:
Pauperiem patitur crebrius ille grauem.

Infantes etiam mentiri sepe coegit
Ipse dolor: magno cuncta dolore patent.

Quem decet esse malum: nil quisquam speret ab illo:
Nam sibi pro nihilo crimina cuncta putat.

Respue sequitiam atq; illius respue matrem:
Si nimis horrenda labe carere uelis.

Magni animi est proprium offensas continere & hosti
Parcere: nam magnum munera magna decent.

In me semper idem sentit cum pectore lingua:
Non possum, uel si dissimulare uelim.

Qui cupit extolli, nil exigit: omnia prestat:
Muneribus laudes dantur: & acta probant.

Non stimulat cunctos mortales una libido:
Naturam tentat quisq; tenere suam:

Nil peccant oculi: ratio si temperat illos:
Mens immota manet: lumina sola uident.

Contemni incipias: si tu uis esse beatus:
Non aliter summi scanditur aula dei.

Quenq; cibum semper meliorem saccara reddunt:
Omnia grata magis dulcibus esse solent.

Si mala nature nunquam doctrina medetur:
Nil iuuat in studiis se lacerare suis.

Iudicium fugiens facinus sine lite fatetur:
Cur fugis & authorem qui rubet: error habet.

Ipsa sagittarium duco magis esse timendum:
Hic tantum nobis non Capricornus obest.

Acta agis ac perdes operamq; oleumq; profecto:
Nil agere infausto est uera medela uiro.

Cynthia ridentem partu te quinta recepit:
Maximus infausti criminis author eris.

Improbitas felix labes solet esse bonorum:
Tu tamen es rectis firma columna uiris.

Dic michi quid demum refert sis albus an ater?
Tempore pictorem nam color omnis habet.

Cum uelis & equis semper tua iussa capeſſam:
Spiritus hos artus dum reget ipse meos.

Prosperitas uel ferre potest uel strenua uirtus
Inuidiam: sed tu cur tolerare nequis? . d .



Quod semel est omni statuendum tempore: multos
Annos quisq; suum mente uoluet opus.

Iratum breuiter uites. sed protinus hostem:
Hunc fera mens. illum prouehit ipse furor.

Necredas illi: qui adinouit labra metretae:
Nam semel errantem saepius error habet.

Rebus in humanis rarum est ac nobile donum
Despiciens animus. pectore magna suo.

Perficiam quamuis desint mihi quattuor actus
Incepisse quidem non leue pondus habet.

Anue. quod peteres: nil posce quod ipse negares:
Nam petit iniuste. qui dare nescit idem.

Argolicam hic artem tractando in pollice callet:
Tecum habita: tantum crede. quod ipse uides.

Quam sapiens danno potius dolet omnis auarus:
Idem etiam recte nil nisi morte facit.

Laurigeros citius referant quae bella triumphos
Hostibus ex magnis: non parat una dies.

Qui semel argolica plaustrum bene perculit arte:
Post hac prudentis nomina semper habet.

Supplicium grauitas compensat maxima lentum:
Seraq; maiori foenere poena uenit.

Arrisit nunquam pleno mihi copia cornu:
Quin demum obscura fronte nouerca foret.

Munus amicitiae multis expletur in annis:
Non tibi sufficiant uerba: probare uelis.

Mensani solis habes: ne pugnes more gigantum:
Nam tibi non essent terra fretumq; satis.

Te doleo ingenti sectantem mattea sumptu:
Non facit ad lautam docta minerva gulam..

Omnibus esse quidem moderata silentia debent:
Dedecet os mutum: dedecet osq; loquax.

Frigora ferre negans glacie mentitur: & aestu:
Qui nullam ardenti dicit habere sitim.

Surge age, ne placidae nimium te crede quieti:
Gloria nam molli non uenit ulla toro.

Non nobis solum nati sumus: esse sed alter
Dicimur alterius membra: quid ergo negas?

Nemo fidem perdit: nisi qui non possidet illam:
Fallere me presso pollice quisq; potest.

Omnibus in rebus bene scis simulare cupressum.
Talis apellæa pictor in arte ualet.

Morem mutat honos: fides ne diuide semper:
Quod te iam decuit: dedecet illud idem.

Omnibus ac nulli ignoscens crudelis habetur:
Nam mediam debent recta tenere uiam.

Vita sibi est odio: qui mortem expectat amici:
Non socium: sed opes diligit ille suas.

Sæuus in aduersis obiurgat casibus hostem:
Præsidium at pietas comparat usq; bonum.

Extorquetur amor nunquam: sed labitur: hinc est
Blanditiæ dulcis non uenus imperio.

Aut uerum perdes: aut est perdendus amicus:
Faustus amicitia si tibi iunctus erit.

Non decet a lasso fortem perquirere rixam:
Dic leo num lassum dente uel ungue petit.

Turpia ne dicas: paulatim a sedibus imis
Discutitur rerum per mala uerba pudor.

Optima conditio mortis: dum uiuere gratum est:
Pessima: si fuerint fata uocata tibi.

Nunquam consuetos dediscit femina fletus:
Lumina cui nullo prona dolore madent.

Indicat etatem: sequitur qui pectine crines:
Omnia non omni tempore facta decent.

Vt sit amans sapiens: raro conceditur ulli:
Dic mihi sub ceco quis duce cautus erit?

Semina si perdis: leto cur detrahis agros?
Annus non tellus fructificare solet.

Te propter possent uadimonia cuncta relinqui:
Iunonem at fraudas casta puella tuam.

Aut amat: aut odit: medium scit femina nullum:
Que quoque si sola est cogitat usque malum.

Nauiget in portu quantuis tua cimba: deorsum
Acaluo ad caluum fors fera quenque iacit.

Ah lamentari cogis non posse cadentem?
Bis perit arbitrio qui perit alterius.

Ibit in effectum sermo: si recta loquamur:
Sed turpi ex uerbo nil nisi turpe uenit.

Suscipienda domi talis non esset hirundo:
Non sapit assidua garrulitate melos.

Quod uis esse tibi tacitum ne dixeris ulli:
Nanq; quod ipse nequis nemo tacere potest.

Sumitur arbitrio mentis non ponitur unquam
Verus amor: Verus sin minus esse nequit.

Expedit interdum quod scis obliuio tollat:
Ne ferat ingentem parua fauilla rogam.

Ex hominum quaestu in numero est fortuna dearum:
Hinc regere immensi dicitur orbis opes.

Vt pictura placet nullis formosa lituris:
Foemina sic nulla labe placere solet.

Dura tibi est ceruix: nec uis audire monenti:
Se male nolentes credere semper habent.

Cum gemitus audis animo nil crede dolenti:
Pessima in alterius sunt fugienda malo.

Ex uitio alterius sapiens se corrigit omnis:
At uitam in proprio crimine stultus agit.

Cum turpi fama lucrum est iactura uocandum:
Nec sibi nec cuiquam quod bene uertat: habet.

Hora bona est nulli: quod cuiquam pessima non sit:
Quae dat opem: pariter praebet & illa necem.

Et deest & superat miseris quandoq; putandum:
Nam miser in propriis nescit habere modum.

Qui solet in scirpo semper conquirere nodum
Ingenium leuitas debet habere suum.

Spernere opes ingens est copia diuitiarum:
Si tu contennes omnia; diues eris.

Ex ligno ut fertur non fit Cyllenius omni:
Fallitur id suadet qui secus esse sibi.

Serius accusa lauda quoq; serius omnes:
Ex subito egreditur quod semel ore manet.

In liquida ac sincera euadere turbida nunquam
Posse scias; ergo turbida cuncta time.

In faciem alterius proprium scelus obiicit omnis:
Nil nisi romanum martia turba sapit.

Non animę stimulum sed famam quisq; ueretur:
Ouinam saltem candida fama foret.

Ne differ uitam: similes mors praeuenit anceps:
Nam tibi quaeq; potest esse suprema dies.


Impositam teneant hic disticha nostra coronim:
Dico tibi grates lector amice; uale.

EPITH. DEAE CORTON.


Quisquis es hic queso paulum consiste uiator:
Carminaq; hæc madidis perlege pauca genis.
Patria cui Coritus clariq; fuere parentes:
Hoc Dea sub duro marmore clausa cubo.
Aurum forma pudor morerer quin flore iuuentę:
Flectere fatales non ualuere deas.
Sola urina mihi poterat succurrere: cuius
Claudit iter nimio menstruus orbe tumor.
At Dea si cecidi & mortem euitare nequiuī:
Mortalis fugiet quomodo turba necem?
Disce igitur nullis mundi confidere rebus:
Hęc ego te uolui nosse uiator: abī.

AD .F. APOLLONIVM MINIATENSEM

Bacchus Apollo Ven⁹ tria numina magna tuent
Vates: nec culto crine carere sinunt.
Nanq; hedera ac lauro myrtoq; uirentia cingunt
Tempora: pro numeris terna corona datur.
Te reor arboreo cum munere forte careres:
Madalio donis consuluisse nouis.
Bacchus uina modos Phębus Venus alma columbas
Quae mihi misisti cuncta: referre solent.
Munera quae sacris praebent tria numina musis:
Cum dederis solus: numina uincis homo.
Vina Columbarum pullos carmenq; dedisti:
Tu triplex triplici munere numen habes.
Crede igitur semper dederis si talia nobis:
Tu Venus ac Bacchus tu mihi Phoebeus eris.



MADALIVS SALMAE SALVTEM.



I SINE TE POSSEM Me Fa
to auferre cadentem :

Non foret haec madidis charta no
rata modis .

Sed quia quae traheret mōtes : quae susteret annes :

Forma tua est pectus nocte dieq; meum .

Ante mihi durae peragant q̄ fila sorores :

Te modo supplicibus cogor adire notis .

Mi tremit ipsa manus : cor ardet : lumina plorāt :

Dum recolo nomen carmine SALMA tuum .

Flauentes oro te fila per aurea / crines :

Quis mea furtius colla reminxit amor .

Furacesq; nimis geminum per sydus ocellos :

Me mihi perpetuo qui rapuere semel .

Ardentes commixta rosīs per lilia / malas :

Luce quibus patior pectore mille faces .

Dulce pos : quo mella fluunt : quo saccara manāt :

Terna quo in exitium stat charis usq; meum .

Per niueum quo poma legit saliencia / pectus :

Iisq; petit certa me Cytherea manu .

Te demum / quae tota trahis / mordetq; / neq; necasq;

Imos a summo uertice ad usq; pedes .

Te inquam perte unam supplex ac seditulus oro :

Obsecro : & obtestor : mitis ut ista legas .

Vt procul ira / odium / furor / indignatio / fastus

Absit & a uultu quod nocet omne tuo .



Hinc humilē ut uita dones si est dignus amātez:
Quem tibi plus multo q̄ sibi semper habes.
Nulla manū & lachrymis mersā pręsūptio mētē
Mouit: at immensus traxit utraq; dolor.
Et si tento nimis uestros temerarius ignes:
In causa est etiā forma superba nimis.
Cuncta mihi fugiet subitis audacia pennis:
Sit modo rara tibi forma benigna minus.
Tu potes hircanas uultu mansuescere tigres:
Tu potes irato frangere tela ioui.
Tu potes ut carpam uítales prōtinus auras:
Atq; meos claudant ultima fata dies.
Sed suprema breui si forma resoluitur omnis:
Ac pereunt dotis florída dona suae.
Vt nix sole fluit; uel caera liquefcit ad ignem:
Vel flos mane rubens uespere languet inops.
Dum iuuat atq; uires fugientem carpe iuuentā:
Nec tantum frustra munus abire sine.
Mox dolor afficiet duplex te lancibus aequis:
Cum ueniet rapido curua senecta gradu.
Cana dolebis. n. uirides qđ leseris annos:
Sed tibi nil serus proderit ille dolor.
Cana iocis aptum tempus non posse reuerti
Moerebis: serus sed tibi moeror erit
Ergo breues uidē ut fugiunt? da lufibus horas:
Nil iuuat amisso poenituiffe bono.
Qui sapit ille legit proprio sub tempore fructus:
Et teneras carpit dum finit hora: rosas.

Sed folia & dumos alieno intempore tantum
Inuenit: ac frustra flet sua danna piger.
Tu ne lenta uelis fructu fugiente morari:
Iam lege sollicita mitia poma manu.
Tunc lenta feras roseum cessare decorem:
Sit tuus hic nitido lectus ab ungue decor.
Vnguis amatis adest: decor uingue legatur amatis:
En fugit: en nulla labitur ille uice.
Ut montem pronò fugit annis in equora cursu:
Inq; suum retro non redit unda caput.
Ut cità precipiti labuntur tempora motu:
Nec repetit missos hora peracta gradus.
Ah quid lenta manes? uernantem cerne iuuentà:
Florida q̃ propiis gaudeat ire bonis.
Ast ignara suę te sic suadente ruine
Incassum tempus desidiòsa terit.
Si bene prospicias per tempora quattuor anni:
Sola tibi flores uerna napea dabit.
Cetera producent paleasq; imbresq; niuesq;
Frigore febre estu tempora terna tument.
Carpi igitur tenere florem sine prouida forme:
Non tibi perpetui tempora ueris erunt.
Et mihi crede tuo speculum si consulis illud
Non hodie quod heri prestat in ore decus.
Eia age quid spectas? tibi consule consule amati:
Quem nimis ardenti conficit igne uenus.
Vror & in flammis cupio deducere uitam:
Cor modo comburat mutua flamma tuum.

Vreris / an calidum frigenz contennis amorem?
Frigida es ipsa magis: quo magis igne cremor.
Hec tua me glacies / meus hic te temperet ignis:
Igne pari / glacie sumus uterq; pari.
Solut at uror amans: gelida tu mente rigescis:
Meq; finis nimio seua calore mori.
Sequitiae ne quaeso uelis incurrere nomen:
Non facit ad mores forma benigna feror.
O quae mansura est seruo te fama perempto?
O tibi de nostra gloria quanta nece?
Ardentes suspende faces: suspiria seda
Torrida: tam largo lumina rore uacent.
Sustine ab igni uomo fugientem corpore uitam:
Hei mea / quae tua plus / q̄ mea: uita fugit.
Me rogo / fac adeo foelicem / adeoq; beatum:
Ipse tuos supplex procidam ut ante pedes.
Et mala / quae patior / propria dem uoce: papyro
Nam sua credentem saepius error habet.
Ante / tibi obscuram uellem q̄ cernere famam:
Iniicerem proprias in mea fata manus.
Quamuis cū sapias prudens: ac prouida praestes:
Nil te solliciti debet inire metus.
Expertum inuenies me / secretiq; tenacem:
Inclusumq; solo quicquid agemus: erit.
At si forte / tuo ne torrear igne / uereris:
Ne mea sit stabili pectore firma fides.
Indice me crucia: de me fac omne periculum
Hinc meritis dentur praemia digna meis.

Curam pone : noua nequeo te relinquere flamma :
Nec quoque si possem deseruisse uelimus
Non est intoto te pulchrior orbe puella :
Que nunc iure tuum possit inire locum .
Si se lapsa tibi / si postera conferat gratas :
Par erit haud forme forma reperta tui .
Pone metus : postquam me feceris ipsa beatum :
Atq; tua tecum pace potitus ero :
Non ego te linquam : uerum per tela & per ignes
Te magis atq; magis tempus in omne sequar .
Fraude dolisq; caret semper cor nobile : tecum
Dulce mihi fuerit uiuere & dulce mori :
Sed qd plura loquar : quid te morer aplius iquar :
Certa tibi innumero illic cuncta parent .
Non tu etenim tantum : iam pridem flamina sylue
Nubila / fulmen / aues / saxa / fluentia / faces
Deniq; cuncta mei fecere pericula amoris :
Cor / oculos / animum / cuncta pedesq; probat .
Te coram quoties mihi nunc rubor hęsit : eidem
Nunc stetit in toto pallidus ore cinis :
Nunc arsi glacie : tremui nunc igne : reliquit
Nunc uox in media fauce retenta / sonum :
Nunc ceu nix liqui : tibi sperans omnibushoris
Et uerbis & re displicuisse minus :
Cum mihi sydereos prebes / uel tollis ocellos :
Tunc uitam prebes / tollis & ipsa mihi :
Tu tibi sis testis : te sola teste probatur
Res mea : sola tenes omnia : sola probes .

Atq; ubi me teneris celum tibi uouit ab annis:
Cerne meas miti lumine quæso preces
Non sunt tela preces: nō sunt mea uerba sagittæ:
Ense preces gladio uerba carere uides.
Attamen o utinam ferro penetrabilis esses:
Nam mihi pro ferro uerba precesq; forent.
Dura tibi durum calybem mens reddit: & ipsum
Duritiem durū cor adamantis habet.
Sed natura dari uoluit sua robora cunctis:
Vincitur hinc adamas sanguine & igne calybs.
Sanguine & igne meo cor & mollescere mentem
Incipe: cor oculos sanguis & ignis habent.
Ne te decipiat uitrei color ipse cruoris:
Cocta tibi indicium rubra falerna dabunt.
Excoquitur ruber ardenti sub pectore sanguis:
Lumina quem uerso nostra colore ferunt.
Non aqua ab irriguis cruor ipse sed exit ocellis:
Torus & a toto corpore sanguis abit.
Hinc illa est macies: hinc ille est pallor amantis:
Torrida me macies pallor & asper habent.
Molle fit illud adhuc cor: fit mens mollis & illa
Molle illud minus est: mollis & illa minus.
Immo metallifera mens est tibi durior ilba:
Duritie superat cor adamantina tuum.
Non ualet igne tibi mens: cor nō sanguine uinci:
Et mihi cor oculi sanguine & igne carent.
Crebra meas prorsus cōsumpsit flāma medullas:
Materiaq; ignis deficientis eget.

In lachrymas iam totus abi iam totus in ignem :
Mi nec adhuc modicae spes opis ulla datur .
O tandem miserere mei : miserere precantis :
Te tua iam reddant spicula sua piam .
Deuotum assiduo si uulnere perdis amantem :
Quid sibi nunc timeant corda inimica tibi ?
Amplius hamatis ne me pete queso sagittis :
Mille infixae meo pectore tela manent .
Cedo tuis uictus nequeoq; resistere ocellis :
Atq; diu proprio lumine caesus ago .
Non secus ac oculos phœbum qui intēdit in ipsū :
At tua sunt phœbo lumina clara magis .
Diutius hinc ego cæcus ago : sed lingua uagatur :
Nec duce sub caeco cauta manere potest .
In te commisit siquid nunc illa : furienti
Da ueniam linguae : non amat illa : furit .
Parce precor : succurre mihi : fac te alloquar unā :
Simq; mei foelix funeris ante diem .
Ni mereor per te & siquid tibi gratius usquā est :
Rescriptum imploro uel breue redde mihi .
Sin minus in tenues plorans ac languidus auras
Extremoq; sedens spiritus ore fluet .
Sed iam laurigera claudatur epistola gemma :
Dicta fide lachrymis scripta notata prece .
Quam si sorte mala rigido despexeris ore :
Leua tenet gladium : quo mihi praeestet opem .
Fatiferum subito lachrymis miscebo cruorem :
Sic causa iniustae tu mihi mortis eris .

DE SALMA

Qui Venerem intuitu / risu qui querit Amorem
Qui charites uerbis noscere : doctus erit.
Cernat acidaliq; radiantia lumina SALMAE:
Ora cupidineo cuncta decore notet.
Seruet & alloquium uernantibus ordine uerbis :
Deniq; de SALMA cogitet ille mea
Si spectat / Venerem reddit : si ridet / Amorem:
Si loquitur / ternas dixeris esse deas.

DE DVRTIE SALMAE

Et si guttatim molli superentur ab unda
Dura e tenereis eruta saxa iugis.
Et durum ardenti ferrum uincatur ab igne :
Dum faber ethneus preparat arma ioui.
Durus & cois adamas translatus aboris
In partes hirci sanguine uictus eat.
Non lachrymis / nō igne tamen / nō sanguine uinci
Durior hec saxis / ferro / adamante potest.

C

Ad.D. Antonium Canisianum Equitē
Hierosolymitanū Io. Batpistae Madaliī
poetę Cortonēsis Silua cui titulus est
Cyparissus .



Olior intactos Cyparissi pandere sensus:
Fer modo ppitiū quo te sup astra reponā:
Dū tenues ualido firmentur robere uires:
Canisiane pedem : & praesentibus annue ceptis .
Quattuor omnipotens cunctarum semina rerum
Mortales elementa uocant : cum conderet orbem
Constituīt / nullo inter se contraria fine .
Stringitur unda gelu : calor estuat ethere toto:
Humorem exudat celum : riget arida tellus .
Summa petit leuitate sua purissimus ether .
Defluit : & fundo residet grauis humor in imo .
Hūc illuc facilis / rarusq; impellitur aer .
Immoto stat fixa globo densissima tellus .
Hęc tamen in rebus discrimina tanta ferendis
Composuit natura parens : & corpus in unum
Dissociata ligans / concordī federe iunxit .
Hīnc uolucrum / pecudumq; genus / uiteq; ferarum:
Et quae marmoreo latitant uaga monstra profundo .
His etiam humanum mira compage creator
Seminibus struxit corpus / lapsumq; supremis
Sedibus / & partem diuinę lucis habentem /
Contulit huc animam : membrīs q; & carcere septam
Exilium in miserum / & miserę discrimina uite
Immisit : spatium q; dedit / tempusq; manendi .
Quo tanti memores ortus / memoresq; parentis
Virtutem amplecti / celumq; requirere Vellent .
Ille autem in putres artus / moribundaq; membra
Ingressę studiis : ut fert sua cuiq; libido:
Incumbunt : aliis alię : pars maxima segnes
Luxuria peragunt altisq; soporibus annos .
Inde ubi quęq; sui metas peruenit ad eui:

Soluuntur compacta animis elementa relictis:
Inq; suas abeunt disperso corpore sedes:
Inq; aliud rursus coeunt: rursusq; recedunt.
Has mutat natura uices: hoc munere gaudet:
Vt modo quae uiuant pariat: modo uiuere soluat.
Perpetuum nihil est: nil tam discordibus ortum
Seminiibus longo non tandem absumitur quo.
Intereunt producta seniel: semel aucta senescunt.
Sic placitum superis: haec lex aeterna tonantis.
Hanc atreim appellat rerum turba inscia mortem:
Naturae officium: qui res nouere latentes.
Est solis mors dira malis: quis conscia sudant
Pectora criminibus: scelerum quos digna suorum
Supplicia & merita trudent sub tartara penae.
Ast iis qui nullo macularunt crimine uitam:
Quis nunquam alserunt tacita praecordia culpa:
Non mors est: sed uita grauis: cum mente uoluent
Tot mala tot clades tam multa pericula rerum:
Coganturq; inter tam multas uiuere fraudes:
Inter tot scelerumq; globos coetusq; malorum.
Quin ipsam oderunt: si fas est dicere: uitam.
Si modo non mors haec potius quam uita uocanda est.
Ergo ubi certa dies & ineluctabile tempus
Venit: & impedit nulli reuocabile fatum:
Concedunt naturae omnes: uitaq; soluti
Terrenosq; artus & corpora tarda relinquunt.
Continuo fontes sub tartara nigra trahuntur:
Infernisq; animae grauiter cruciantur in umbris:
Et nullum exercent habitura piacula finem.
Inuitaeq; ideo membris & corpore cedunt.
At pater omnipotens paucos uirtutis amantes
Cultoresq; sui celsa donauit olympos:
Et secum aetherea considere iussit in arce:
Et diuum ascripsit numero: uitamq; beatam
Concessit: se seq; illis dedit usq; fruendum.

Sed quia polluto tam multis pestibus orbe
Cunctorum in medio scelerum / medioq; malorum
Contigerat uersari illos : mortalia porro
Corpora non poterant inter tot crimina / tantam
Colluniam / non se se aliqua maculare ueneni
Contagione : aliquamq; animis immittere labem :
Terrarum in medio : nam sermo hinc fluxerat ois :
Pluribus ingentem tedis / piceisq; refertam
Coniferisq; linul nigranti fronde cupressis
Condidit ipse deus filuam : sacrisq; dicauit
Manibus : & multo uenerandam fecit honore.
Quam uita egressi uates / animaeq; piorum
Protinus incolerent : atq; haec secreta tenerent :
Donec siqua animis polluto in corpore labes
Haeserat / efflueret : terrae ut compage solutus
Spiritus aethereas purus ferretur in auras.
Corporeis igitur uinclis / & carcere coeco
Turba beatorum / placido loetissima uultu
Certa poli / & rectae imprimis sibi conscia uitae
Huc elapsa uenit : Lucisq; moratur opacis.
Hic quicquid foeda immundae contagia carnis
Nexibus implicitas membrorum & pondere pressas
Infecere animas : quicquid de corpore tardo
Restat adhuc : quicquid residet / mortalis in illis
Eluitur / terrae torpor deponitur omnis.
Ut quondam hibernis serpens confecta pruinis
Vere nouo exuias ueteres / turpemq; senectam
Deponit : uiridiq; nitet renouata iuuenta :
Sibilat : ora micant trifidis uibrantia linguis.
Aut cum gemma nitens tellure inuenta sub ima
Sordibus immundis squallens / & puluere multo
Artifices est nacta manus : sensimq; polita
Iam micat : & multo radians fulgore cruscat.
Sic sensim exuiis positis / & mole relicta
Corporis / aetherae fulgent / proprium q; uigorem

Accipunt animae : seq3 omni labe resoluunt*
Reliquias terrae nigrum atq3 informe cadauer
Consuevit pietas flamma purgante cremare .
Collectum hinc cinerem placido mandare sepulchro .
Sed quia corporibus iocundam extinguere lucem
Creditur : & nigras obducere parca tenebras :
Sedula nigrantes piceas / atramq3 cupressum
Religio / pinguesq3 rogis imponere tedas
Repperit : vt nigram nigra notet arbore mortem .
Adde quod icta semel / ualidaq3 excisa bipenni
Tota perit : ramosq3 omnes - frondesq3 cupressus
Exuit : & nunquam funesta repullulat arbor .
Sic quoq3 - qui vita semel excessere negata :
Vitales precibus nullis reuocantur in aulas .
Cui libet inuisam facile est abrumpere uitam .
Mille uiis mors prona venit : praestoq3 uocata est .
Sed superare necem / positumq3 resumere corpus -
Et rursus aethereas uiuentem euadere ad auras -
Fata deusq3 vetat : cuiquam hoc sperare nefandum est .
Vix pauci poture olim : quos rector olympi -
Vt genus humanum fieri quod posse negabat :
Cerneret : atq3 unum rerum mundi q3 parentem
Cederet : eximis reuocauit ad aethera bustis .
Vt semel ad nauit ripam irremeabilis undae
Coetera turba : pedem stygio non rettulit orcho .
Indicat haec : quae cesa semel fruticare cupressus
Nescit : & imbellem non sustinet arida truncum .
Praebuit offenso causam Siluanus amore .
Res vetus est - sed fama recens : nos summa sequemur .
Q V i nunc funerea est nigranti fronde cupressus :
T u Cyparissus erat - forma atq3 aetate decenti
Conspicius - soboles tua nec te indigna parente
Telephe : & herculeos inter numeranda nepotes .
I - nemora - & saltus - & inhospita lustra ferarum -
Venandi studio & puerilibus excitus annis

Saepe frequentabat : solus deserta peragrans
Spumantemq; agitans aprum - ceruumq; fugacem.
Vt procul hūc uidit - miro Siluanus amore
Incaluit - sequitur dictisq; affatur amicis .
Et genus & patriam quaerit - nomenq; parentū
Tum comitem studiis se se iuuenilibus offert.
Quid possit - docet - in siluis : sua numina pandit .
Ille dei tantū non aspernatus honorem
Gaudebat socio percurrere numine siluas.
Venatūq; ibant pariter : pariterq; redibant.
Forte in deliciis praestanti corpore ceruam
Subductam tenero clam matris ab ubere partu
Sustulerat : primisq; puer seruarat ab annis
Assuetam lateri - ac mensae : quis credat : herili -
Grataq; de domini sumentem pabula dextra.
Ille legens suaues per prata uirentia flores
Texebat uariis extantia cornua fertis.
Quo se cūq; puer noctesq; diesq; tulisset:
Protinus haerebat lateri fidissima custos.
Infoelix utinam non tectū egressa fuisset:
Atq; reuertentem media expectasset in aula.
Nanq; inter uepres solam - dumosq; iacentem
Et dominū audierat quem non procul esse - morantē
Vt procul aspexit media Siluanus in ūbra:
Traicit incautam uolucris per pectora telo.
Profilit illa ferens crudelem in corde sagittam:
Perq; nemus dominū moesto clamore requirit .
Vt uero inuenit : neq; enim procul ille manebat:
Ad caros sine uoce pedes moribūda recūbit.
Ille ubi letali confossam uulnere ceruam
Et dulcis sibi rapta uidet solatia uitae:
Corruit : & subitis clamoribus aethera complet.
Dat fletus : laniatq; genas : laniatq; capillos:
Semianimemq; feram āplexus - simul ibimus ambo:
Ambo simul morimur - ait : nec plura locutus

Soluitur in lachrymas amissa uoce perennes.
At deus ut facinusq; suum - dextramq; nocentem
Delicias puero raptas - ipsumq; sulatum
In lachrymas - nimiosq; animam exhalare dolores
Sensit : adest puero : passisq; amplectitur vlnis.
Ter q; illud conatus humo releuare iacentem -
Ter frustra cyparisse uocat : iam corpus - & omnes
Diriguere artus : iam spiritus ossa reliquit.
Tum uero gemitu - & permixta concitus ira
Vertitur infurias : pharetramq; arcumq; refringit.
Tunc odit studiumq; suum - siluasq; - ferasq;
Auctorem q; necis puero - causamq; fuisse
Se dolet : heu quid agat ? num te cyparisse sequatur ?
Non licet : an ne pati lucem te possit adempto ?
Tunc piget esse deum : seq; - & sua numina dannat.
Posse mori uellet - miseramq; abrumper e uitam :
Fata obstant : mortisq; deo sublata potestas.
Quod supest : puero incubuit : lachrymasq; fremēsq;
Ergo : ait : ipse fui tanti tibi causa doloris :
Ipse necis tibi causa fui : tibi fata parauī .
Hoc precium Cyparisse mei est - hoc pignus amoris ?
Haec dederam promissa tibi - haec mea dona reportas
Me miserum - indigno potui te perdere laeto ?
Fundere sic nostro decuit te crimine uitam ?
Cur tibi non socia saltem nunc morte perempto ?
Cur ego nunc uiuō ? cur mortis adempta potestas ?
Foelices quisquam aeterno quod uiuimus aeuo
Nos putat : o foelix - o terq; quaterq; beatus :
Cui licet - e misera cum uult excedere uita .
Nos miseros sine fine putem : qui morte carere
Cogimur : hisq; malis nullam sperare quietē .
Outinam aeternas leges - & fixa tonantis
Rumpere fata mihi - & uitam mutare liceret :
Non isses cyparisse unquā sub tartara solus .
Tu quo crudelis nimium : nimiumq; peremptae

Víctus amore ferae: non te hoc cyparísse decebat:
Sic nec amanda tibi: nec sic fuit illa sequenda:
Illaq; si posset non sic uoluísset amari.
Sed quando nequeunt ereptam reddere uítam
Numina nostra tibi: manesq; uenire sub ímos
Metibi nunc comitē crudelia fata recusant:
Qua certe retinere licet - te parte tenebo.
Extingui q; tuum haud patiar cū corpore nomē.
Non totus morieretamē: non totus abibis.
Arboreū dabimus uero pro corpore corpus
Crescentēq; animā uítæ solamē ademptæ.
Quaq; tibi fatís concessum est uiuere: uiues.
Extremū hoc míseri tibi munus amanti habeto.
Vix ea fatus erat: stabili cū ponder plantæ
Telluri infixæ tenues emitter fibras
Cepe: & ualidis radicē effundere neruis
Protinus in magnū firmato caudice truncū
Consurgunt: se seq; uno coeuntia tollunt
Crura globo: e reliquo uastū fit corpore corpus.
In magnos abeunt pēdētia brachia ramos:
In paruos dígití: remanetiunctura p artus:
De cute fit cortex: fluído de sanguine succus:
Durescunt ossa in lingnum: coma flaua p onines
In frondē mutata nigrā diffunditur artus.
Quae lucē eripuit: dedit hunc mors atra colorē.
Tollitur infixis ingēs radicibus arbor.
Nomē adhuc pueri / & lachrymae manser perennes
Hinc meruit decorar rogos / decorar sepulchra:
Hinc duro nescit ferro semel icta renasci.
In nemus hoc igitur cū se se a morte recēti
Conferat: hoc quicquid terrae de labe retr anfit:
Expíet: ac patrium piaturba reuísat olympum.
Nigrātes piceas / & pulla fronde cupssum-
Facturaeq; rogos praepinguia robora tedar.
Ipse pater rerum síluæ circundedir altae:

Vt pia funereas cum turba perambulat umbras:
 Iplius ante oculos loeti pallentis imago
 Poenarumq; horror / quas tartara nigra minantur:
 Versetur: uitamq; animo reputantibus actam
 Crescat amor / coeli stimuletq; cupido uidendi.
 Polluta cupiant quamprimum abscedere terra.
 Nec tamen interea est siluae mora segnis opacae:
 Sed quod cuiq; fuit / dum corpore uita maneret:
 Prosequitur studium functos / ac lumine cassos.
 Hic naturam oninem / summiq; arcana tonantis
 Aeternos q; agitat mundi astrorumq; meatus.
 Ille fidem / & sanctos mores / uitaeq; decorum
 Virtutes q; omnes docto sub pectore uersat.
 Historias alii gestarum ex ordine rerum
 Virtutis q; decus uitaeq; exemplar honestae
 Condiderant: placet illud opus: manet illa uoluptas.
 Nunc quoq; magnorum cartis monumenta uirorum
 Intexunt: pacesq; omnes / & bella reponunt.
 Castalios alii latices / & flumina phoebi
 Potare / & duplicem parnasum ascendere sueti
 Nunc quoq; castalios sitiunt / potantq; liquores:
 Nunc quoq; se musis dedunt: & carmina cantant.
 Deniq; quisq; suum uitae non inmemor actae
 Exercet studium: & silua spatatur amoena.
 Inde ubi longa dies / & : quod domat omnia: tempus
 Concretam exemit labem: nitidusq; remansit
 Spiritus: & summo qualis fuit aethere missus:
 In sedes redit ille suas: aeternaq; magni
 Tecta patris repetens / celfo dominatur olympo.
 Tanais Nerlius:
 Qui sacra Madalii legisti carmina uatis:
 Censuram dicas an Vereatur opus?
 Antonius Nerlius.
 Interiora placent doctae mihi uiscera Siluae:
 Carminaq; & sapiunt / & beneculta iuuant.

Io . Baptista Madalii Poete Cortonenfis

Ad Tanaïm Nerlium Petri Tanaïs

Filiū Silua cui Titulus est

L A V R V S



Armīne daphneā uiridātī uertice Laurū
Phoebei capitis sacriq; eliconis honorem
Aggredior : cur sola dei radiantia cingat
Tēpora : cur uates decoret : decoretq; triū
Tu modo nil sapiens pueri puer unice proles phos.
Nerlia / presenti specimen uirtutis in quo:
Cui sacra pegasides admorunt ubera musę:
Cum quo etiam europae atq; asię non arbiter equus
Innumeras adiens glaciali gurgite gentes
Flumen / in euxinis tandem quod desinit undis:
Nobile regali retinet de nomine nomen:
Pierię mecum conscende cacumina siluę:
Qua mox dignus eris . iam iam tibi laurea pendent
Serta comis : doctusq; chelim quatit unguis eburnam .
Principio quicquid tellus uberrima gignit:
Quicquid habet homines : quicquid uidet ūdiq; phęb9:
Includuntq; caui conuexa nitentia mundi:
Quin cęlum / terrasq; omnes / pontumq; tumentem
Omnia magnorum tu deniq; dona deorum
Esse putes : nobis ipsi nam cuncta pararunt .
Condidit immensum diuum pater unicus orbem:
Atq; homines ima terrarum in sede locatos
Cęlicolis summo studio mandauit alendos .
Tum proni certatim omnes in dona / tulerunt
Cūctaruū miseris rerum mortalibus usum .
Ille merum / hic fruges / oleę dedit illa liquorem:
Arboreos alii fetus / herbasue salubres .
Sic exulta deum mortalis munere uita est .
His superum meritis nequaqua n ingrata uctustas
Et sacra / & uarios illis decreuit honores .
Cuiq; suas statuīt grata de fronde coronas .

Esculus imprimis magno est addicta tonanti.
Feralis stygio fratri sacrata cupressus.
Populus herculeam meruit circundare frontem.
Pallentes hederas baccho - uitemq; repertam:
Palladi paciferos sacrauit graecia ramos.
At sua conspicuum decorauit laurea phœbum.
Cur haec contigerit celestum cuiq; corona:
Nec uerbis aequare meum - nec singula fando
Complecti facile est . ratio non omnibus una est:
Sunt aliis aliae . phœbo - quem quaerimus unum:
Solutus amor tribuit daphneae frondis honorem.
Longa quidem res est : longisq; ambagibus anceps.
Sed sequar a certis rerum fastigia caulis.
PHOEBVS ad emonios caeso phytone superbus
Pacatis rediens terris - peruenerat agros:
Qua resonant uario peneia murmure tempe:
Quaq; fluit nulla uiolabilis annis ab unda.
Piniferi summo decurrens uertice pindi.
Cumq; hic aligerum forte aspexisset amorem:
Exultantem armis - pharetramq; arcumq; gerentem:
Cur geris arma puer mollis tam fortia ? dixit:
Tale meos spectat potius gestamen ad armos.
Mollia tu mixtus placidis duc ocia nimphis.
Imbelles agita lusus - facilesq; choreas.
His puer idalius magnas conuersus in iras -
Despicies - ait - ergo meas sic phoebe sagittas?
Haud impune feres : cur nos haec arma geramus.
Et uaga quid possint puerilis tela pharetrae:
Experiare uolo . qui dulcia prodere matris
Furta ausus quondam : duplici pro crimine poenas
Nunc dabis . haec memorans adductū contrahit arcū.
Et pharetra geminas contraria tela sagittas
Corripit : illa novos affert : haec pellit amores.
Haec grauis cincta gestat sub cuspidē plumbum.
Et leuis - & fulgens auratum habet illa mucronem.

Traiecit aurato phoebe puer intima telo:
Obduratq; graui daphnes praecordia plumbo.
Illa per & bluas & concaua lustra ferarum-
Spumantes sectari apros / ceruosq; fugaces-
Venatrix perferre niues - perferre pruinas
Consuerat : gelidasq; pati sub sydere noctes.
Casta tamen : nullisq; unquam deflexa maritis:
Virgineosq; habitus incinctae imitata diana.
At deus ut lilua procul hanc conspexit in alta:
Aestus erat : molli recubantem forte sub umbra:
Obstupuit : flauasq; comas / geminoq; nitentem
Sydere uirgineam faciem / niueasq; papillas-
Marmoreasq; manus / & eburno membra decore
Collustrans oculis - aut nulla est : inquit : amore
Aut tantum tu digna meo : ni forte recuses.
Tu meus ignis eris : tu nostro iuncta cubili.
His simul exarsit dictis : perq; ima cucurrit
Ossa calor : toto bacchatur pectore flamma-
Haud aliter : quam cum immissus fornacibus ignis
Aestuat : & ualidas subiecto fomite uires
Accipit : incensum bacchatur flamma per antrum
Clausa loco : at plenis supera ad conuexa caminis
Euomit undantem nigra caligine fumum.
Nec mora / nec requies - miserum quo sedet amorem.
Cogitat auxilio flecti nunc posse precando.
Desperat : quam nulla uenus - nulliq; himenaci-
Non precibus pater ipse piis - non anxia mater
Flexisset summis agitantem in montibus aeuum:
Sectantem intactae uestigia casta diana.
Nunc placet ipse sibi : repetit sua numina secum:
Se uatem / medicumq; uocat : spolioq; recenti-
Quod modo de caesotulerat phytone : superbit.
Cessuramq; deo - quae diuum sanguine nata
Sit : putat humani spernentem foedera lecti.
Versat inancipiti dubiam formidine mentem

Spesq; timorq; simul : stimulus amor urget acerbis.
Tandem haec ambiguum soluit sententia pectus.
Vt precibus mollem tentet deflectere nimpham.
Contennat sin illa preces : ac dura resistat :
Vim paret : intactum misero nil linquat amor.
Ergo adit : & supplex recubantem his uocibus orat.
Q V I D sola horrentes siluas / saltusq; peragras
Nimpharum decus : aut quae sunt tibi gaudia uitae
In siluis : tua forma perit : tua praeterit aetas.
Nec saeuas agitare feras / percurrere saltus
Est adeo soli tutum . discrimina mille
Impendent : uis multa hominum : uis multa ferarū.
Inachis est testis : testis rodopeia coniunx :
Fleta diu miserae testis Proserpina marri .
Nonne igitur praestat sociam traducere uitam :
Cum diis esse deam : ueneris dulcissima nosse
Gaudia : & intactae decerpere praemia formae.
Ipsa Venus tibi me socium nunc obtulit ultro
Haud humili de plebe deum . Sum clara tonantis
Progenies : Latona parens : soror aurea Phoebē.
Ipse meo terras / coelumq; & sydera lustrō
Lumine : quicquid agunt homines / & numina diuū :
Et uideo / & noui solus : quin fata uirorum
Haud ulli patefacta deum : mihi cognita soli.
Quid medicas referam uires : quid carminis usum :
Atq; arcū hunc magnum / quo nunc phytona peremā :
Deniq; mille artes / nobis sunt numina mille.
Coniugio insignis nostro / foelixq; futura es.
Da modo te nobis / phoebo dignare marito.
Illa ut coniugii nomē / nomenq; mariti
Audiit : in medio dicentē / & plura parantem
Deferuit sermone deum : atq; exterrita fugit .
Incaluit deceptus amans : nec pertulit ultra.
Vim parat : insequitur fugientē : illa ocior euro
Ocior impulsā neruo crepitante sagitta

Per siluas / saltusq; fugit / perq; auia pindi.
Nec deus est segnis : rapido per inhospita cursu
Fertur : & equato repetit uestigia gressu.
Quaq; leues tulerat uirgo peneia plantas:
Hac infert deus ipse gradum . iamq; acrius urget:
Iamq; ferit calcem fugientis calce puellę:
Iam praehensat : iam iamq; tenet : sed decipit illa
Praehensantem : & pedibus cupido se subtrahit hosti.
Ut cum praerapidos lepores - ceruumq; fugacem
Spartiatata insequitur uelox - auidusq; molossus.
Ille acri nunc plana fuga / nunc ardua carpit:
At premit : & rapido cursu canis improbus urget:
Imminet : atq; inhians tergo fugientis anhelat.
Et iam captanti similis - similisq; tenenti
Concrepuit malis : saltu fera dentibus acri
Subripuit se se : & morsus euasit acutos.
Haud alio trepidam phoebus peneida cursu
Insequitur : uariant curas & uota uicissim.
Nunc illam cepisse deus putat : angitur ipsa.
Nunc desperat amans : putat euasisse puella.
Alternant animos spes hinc - timor inde duorum.
Iamq; aduentabat daphne genitoris ad undas:
Urgebatq; deus : iam copia nulla manendi:
Copia nulla fugae : deus inde - hinc clauserat annis.
Cum subito optatum moesto clamore parentē
Exanimata uocat . Pater o pater accipe natam:
Vim patior succurre mihi : tua pignora serua.
Simodo caeruleis sum te generata sub undis:
Siqua tenet nostri genitor te cura pudoris:
En rapior : me tolle - tuas me tolle sub undas.
Me uel in alterius formam conuerte figurae .
Haec memorans patrias mergi properabat in undas.
Cum subito tentanti aditus - gressumq; mouenti
Dirigere pedes : radix innascitur illis
Fixa solo : geminis caudex fit cruiibus unus.

Fuit sensim e reliquo procerus corpore truncus.
Iam digiti in paruos / in magnos candida ramos
Brachia uertuntur : durus tegit omnia cortex.
Iamq; ad diuisionem fuerat conuersa figuram:
Cum ueniens praerepta uidet sibi gaudia phœbus.
Ingemit : & niueis / non dum mutauerat illas:
Oscula ferre genis conatur : at illa negato
Quo poterat cursu tenerum seruasse pudorem:
Qua licet ingenti se se clamore tuetur.
Sed uox deseruit clamantem : lingua palato
Haesit : & incursum uerba imperfecta reliquit.
Diriguere genae : in frondem coma flaua uirescit:
Nomen adhuc retinet : rigidum sunt coetera lignum.
Fert cupidus rigido phœbus tamen oscula ligno.
Et truncum amplexus in medium prohi dixit amorem
Haec uia sola fuit : posses qua perdere nostrum.
Quid queror ? ipse ego sum tantorum causa malorum.
Quid uolui demens ? mea uis / meus abiit ardor
Te mihi seruassem tacitus molliissima fandi
Tempora : te uitam insiluissim agitare tulissem:
Esse comes certe poteram : te saepe uidere:
Affari : & miserum fando lenire dolorem.
Sin aderat spes nulla tui : uisq; ipsa placebat:
Parcius insequerer : fugisses parcus ipsa.
Sed quis te aetati / formae / uitaeq; putasset
Venandi studium / & comitem praeferre dianam?
Nunc quando te fata frui mihi posse negarunt
Coniuge : qua potero te perfruar arbore certe.
Incedamq; tuis redimitus tempora ramis.
Teq; meis sacra lucis / templisq; locabo.
Ornabis nostras festis tu frondibus aras.
Lustrales sparges primo tu limine fentes.
Fas nostros aditus / fas numina nostra uidere.
Fas audire tibi superum me fata canentem.
Te Delos / te celsa Claros / te Cyrra uirebit.

Sola coronabis certantes carmine musas:
Sola etiam cinges nostrorum tempora uatum.
Conspicuos referes ducibus tu sola triumphos.
Deniq; erit tibi summus honos terraq; poloq;
Amittes nullo uiridantes tempore frondes.
Quinetiam summos quatiet cum fulmine montes:
Te pater intactam coelo seruabit ab alto.
Dixit. & esculea / quam tum gestare coronam
Moris erat: posita / frondenti tempora lauro
Implicuit: repetensq; aditus / & delphica uictor
Templa / nouos primo sacrauit limine ramos.
Parnasum hinc omnem / sacrosq; hae arbore colles
Conseruit: musasq; simul / vatesq; disertos
Tempora daphnea iussit circumdare fronde.
ALTERA praeterea ratio haud tennenda uirentem
Vatibus admoquit laurum: musasq; sacrauit.
Nam cum pleiades fulgentia lumina condunt:
Et redeunt primae canentia frigora brumae:
Nulla quidem non exuias / & frondis honorem
Excussum queritur gelidis aquilonibus arbor,
Arescunt reliquae: nudataq; brachia uentis
Exponunt: moestaeq; nives patiuntur / & imbres.
Sola uirens loetas nullo non tempore frondes
Laurus habet: semper ramos gerit una comantes.
Coetera sic hominum uiuax monumenta uetustas
Conterit: & tacitis sensim corrupta senectae
Dentibus absumit: tenuesq; emittit in auras.
At clara ingenii / & studiosae pignora mentis
Nil rapidis debent fati: aeuoq; sequaci.
Sunt aeterna: suumq; tenent intacta nitorem:
Nulla aeuo cariem / nulla sensura senectam.
Aspice pyramidum memphitica tempore lapsa:
Quae fuerat totum miracula nota per orbem.
Aspice faemineo babilonia condita luxu
Moenia / tergeminis amplissima curribus olim:

Interiere : nouis tellus possessa colonis
Tanti operis ne parua quidem uestigia seruat.
Quid pendens uacua celi regione sepulchrum:
Quattuor artificum certantes arte lobores?
Hoc rata perpetuum focii fore pignus amoris
Iactabas : miserum fallens hac mole dolorem:
Procubuit regina tamen : periire labores:
Tantus amor : tantę periit pietatis imago.
Quid memorem triuę templum uenerabile diuę
Europę atq; asię specimen : quid numinis aedem
Cornigeri : cunctis reddentem oracula terris?
Omnia sunt aequata solo . tulit omnia tempus.
Sed tibi quid longinqua nimis : quid barbara narro?
Aspice flammiferi capitolia celsa tonantis:
Tot spoliis olim : tantisq; ornata triumphis.
Aspice & actiaci ueneranda palatia phocbi:
Caesareas quondam sedes : augustaq; tecta.
Praeterea tot templa deum : totq; alca theatra
Atria tot procerum : tot circos : balnea : termas:
Coeteraq; immensos urbis monumenta labores.
Omnia sunt euerfa . uirum uis improba partem
Partem auido obrepens confecit dente uetustas.
Ast animi nunquam pereunt monumenta : nec illis
Aut uis vlla potest : aut ulla nocere senecta.
Dum phrigios Sımois Xanctus dum perfluet agros:
Meonii uiuent diuina poemata uatis.
Ascræi praecepta senis tunc docta peribunt:
Credita cum pinguis non reddet semina tellus.
Dum conficta dolis meretrix : dum stultus amator
Dum seruus domini fallax : erit ipse Menander.
Nulla sophoclaeum norunt non soecla coturnum:
Dum dirae fuerint caedes : dum soeua nouerca.
Donec erunt uarios agitantia sydera motus:
Lunaq; fraterno capiet de lumine lumen:
Inclita Arataei fu'gebunt signa libelli.

Illaq; Callimachi musam - coiq; poetę
 Tempora delebunt : quis desinet esse cupido.
 Pascua dum fuerint - segetesq; - & martia bella:
 Diuinum ostendet terris sua musa Marcem.
 Stultaq; dum uarios mutabunt pectora sensus:
 Accipientq; nouas mortalia corpora formas:
 Pelignus toto cantabitur orbe poeta.
 Dumq; cupidineis facibus male sana uirorum
 Pectora succendet geminorum mater amorum.
 Delia iocundo uiuet celebrata Tibullo.
 Cum uiciis satyras derisor Oratius acres
 Carmina cum uenere extingui diręga uidebit.
 Deniq; ne cunctos repetam : quos gręcia uates
 Aedidit : aut urbes inter clarissima Roma.
 Dum medium oceano circum labente tenebit
 Pondere pressa graui tellus : dumq; arduus ether
 Ultima : dum terras inter flammamq; liquentem
 Vndiq; fundetur circum purissimus aer:
 Semper honos uatum per tempora cuncta piorum
 Et decus - & laudes - & nomina clara manebunt
 Daphneam hinc igitur primi meruere coronam:
 Perpetuae signum fame - & gestamen honoris.
 Hos magni uirtute duces - animoq; secuti
 Incensi fama - ac pędulci laudis honore
 Summa etenim uirtus supremę est emula laudis:
 Hec bello petiere decus : ualidisq; subactis.
 Gentibus - imperioq; aucto - spoliisq; receptis
 Egerę insignes pompa comitante triumphos.
 Ornaruntq; sacra uictricia tempora lauro.
 Annuat his phoebus : tantoq; assensus honori
 Vatibus esse dedit propriam hanc ducibusq; coronam
 Illi etenim ingeniis - hi dextra ac fortibus armis
 Immortale parant terris atq; ethere nomen.
 Adde - quod hi pęstati animo - atq; insignibus actis
 Materiam musis pębent - causamq; canendi. b i

Si nihil facides - si nil gessisset Vlixes:
Quod caneret - magni tuba non habuisset Homeri.
Notaq; uix esset diuini musa Maronis:
Ni bellum aeneas latius gessisset in aruis.
Ergo aganippaeo frondens de vertice Laurus
Non modo pierias frontes - & tempora uatum:
Sed bello quoq; uictores - niueisq; quadrigis
Inuectos ad templa duces de more coronat.

Ad Antonium Nerlium Petri Tanaïs

Filium eiusdem Madalii Silua

cui titulus est

HEDERA.

Vis furor Antoni laceros complectitur artus:
Insanamq; rapit nysae super ardua mentem:
Bacchus adest hedera redimitus flaua sequaci
Tempora: nec fessum patitur requiescere uatem.
Promeritosq; suae frondis deposcit honores.
Lusisti Laurum phoebo: mihi lude corimbos.
Si te phoebus amat: Bacchus non spernit eundem.
Innumeris autem uinclis ut pectora fratrum
Nerlia uerus amor retinet deuincta duorum:
Sic per apollineam peneia pignora Laurum
Pallentes serpent hederæ: amplexuq; per omnes
Intendant tacito fruticantia bracchia truncos.
Et nunc multiplices glomerent per mutua nexus:
Nunc circum truncos lambant: ramosq; corimbis
Impediant: superentq; uago fastigia lapsu.
Dixit: & in nostro tumidus se pectore condit.
Ast ego bisgenito cupiens parere parenti-
Ac tibi germano iunctam cum fratre coronam
Ludere: qua sacri superato culmine montis
Me duce - mellifluo cingas caua tempora cantu:
Priscorum breuiter repetam primordia diuum.
Niliacas olim gentes - aegyptiaq; arua
Iusticia ac meritis in pace regebat O syris.

Ingenio ac uirtute ingens / ingentior armis.
 Hic sibi ut imperium patria uirtute relictum
 Seruaret : meritisq; animos retineret agrestes :
 Multa prius generi nequaquam cognita nostro
 Ingenio / magnoq; diu quaesita labore
 Repperit : & magnos mortalibus attulit usus.
 Primus enim inuento terram proscindere ferro
 Instituit : frugesq; dedit : massaq; subacta
 Praebuit insuetam populis mirantibus escam.
 Primus & inuentam plantauit in ordine uitem.
 Quoq; seri posset : quo posset alescere cultu
 Edocuit : primus maturas uitibus uuas
 Decerpit : nudoq; lacum pede missus in altum
 Expressit : mustumq; bibit : sociisq; ministrans
 Plena coronauit prędulci pocula succo.
 Ipse suis demum celabrans conuiuia primus
 Apposuit : docuitq; merum nos ponere mensis.
 Multaq; praeterea sollerti mente reperta
 Tradidit : & rudibus populis seruanda reliquit.
 Nec bello minor : aut factis modo segnior armis.
 Nam patriis minime contentus finibus / & iam
 Magna agitans / terrarum orbem sub pectore versas
 Vicinam aethiopum gentem / raptosq; ferisq;
 Viuentem / nec dum belli armorumue peritam
 Impiger aggreditur : quo uictor ab hoste reuersus
 Cum tentata suis primus succedere uotis
 Cerneret : atq; ausis fortunam afflare fauentem :
 Prosequitur quacunq; furor / forsque hostis / amorq;
 Vincendi stimulant : & qua se gloria pandit.
 Protinus hinc libyam / praetentaq; syrtibus arua
 Marmaridasq; uagos penetrans / numidasq; feroces
 Aegipanes / faunosq; petit : satyrosq; procaces
 Herculeosq; humeris axes atlanta ferentem.
 Inde palestinos conuersis subiugat armis.
 Deliciasq; arabū casiamq; & cinnama vastat.

bii

Et tandem ignotos uictor pertransit ad indos.
Taprobanen / indumq; petit . procul inde repostas
Eoas penetrat gentes : Variasq; uirorum
Ac rerum non uisa prius miracula formas.
Pallentem his hederam terris / & frondis honorem
Nunquam amittentem ut primum conspexit osyris:
Sustulit : & gratam nobis dabis una coronam:
Dixit : & inuenta cingens caua tempora fronde
Esse suam uoluit plantam : & sic ipse uocauit.
Hinc adit ignotos feres : gangemq; rapacem.
Gangaridas summo pugnas elephante cientes
Perdomat : & cellas uictricia signa columnas
Erigit : inde urbem patrię de nomine Nysam
Condicit : & ampla sui passim monumenta relinquit.
Inde referre pedem - patriamq; reuifere dulcem
Exoptans / longaeq; uolens imponere finem
Militiae / & socios ad tecta; reducere fessos
Continuo insignem uicto exoriente triumphum
Innuineris asiae populis libyaeq; subactis
Ducere constituit : captasq; exordine gentes
Ad currum triplici uinctas ductare catena.
Ergo quadriiugo gemmis conspectus & auro
Inuehitur curru : magna quę mole elephantum
Bina trahunt modo passa iugum domitataq; terga.
Ipse hederam / quam / dum indorum deserta peragrat:
Inuentam ab se se miro seruabat honore:
Victricem exornat frontem : croceisq; corimbis
Hinc atq; hinc curru / & longas circundat habenas.
Triticeas uno manus altera gestat aristas:
Altera fert uuis distinctam & palmitē uitē.
Ante ipsum inuehitur pando silenū asello:
Frons hederam / leua acnophorum fert dextera tyrsū.
Aegipanes / satyriq; leues / fauniq; bicornes
Hinc atq; hinc curru circumfunduntur ouantes:
Virginei q; chori pariter / ducuntq; choreas:

Et pulsant cytharas : & osyrim carmine tollunt :
At currum innumerae gentes / capta oppida bello
Signantes uario cultu / linguaq; sequuntur .
Ipse hedera insignis / praedaq; orientis onustus
Subsequitur domito rediens exercitus orbe .
Victoremq; ducem loeto clamore salutat .
Noster io rex / noster io rex magne triumphae .
Rursus io / ac rursus confundi elementa uidentur :
Vocibus assiduus tantus petit aethera clamor .
Hic patrios primus fines transgressus adire
Aethiopus / lihyamq; omnem / gentesq; repostas
Hic syriam / ditescq; arabes / partosq; subegit .
Hic tandem intactos primus penetrauit ad indos .
Egit & insolitum deuicto ex orbe triumphum .
Hic est : quem multo tribuit sibi graecia fastu .
Hic est : quem uario donatum nomine Bacchum
Bassareum / Bromiumq; uocant / patremq; Lyaeum .
Hic cupidae est partus Semeles / soeuiq; Tonantis
Quem pater : ut perhibent ; materno e funere raptum
Et fermori inclusum Nyssa nutriuit in alta .
Hic inquam est : magno quem graecia donat honore .
Orgia cui mediis celebrat trieterica filiis .
Cui totos operata dies / noctesq; iuuentus
Matres / atq; uiri / pueri / grandesq; puellae
Per filuas agrosq; uagi / perq; oppida passim
Gestant pampineis intextas frondibus hastas :
Et te Bacche uocant , resonat clamoribus aether .
Bachantur stimulate deo : grauiusq; feruntur
Maenades attonitae furiis : Bromiumq; uocantes
Nocturnis graios implent ululatibus agros .
In medio quoq; multa canunt uentura furore .
Creditur afflatus pater inspirare Lyaeus .
Scilicet ille deus mentes ac pectora uersat .
Ille agitat stimulis animos : & cogit haec enis :
Occultam inspirat flammam : incenditq; furore :

Excitat afflatas mentes : aperitq; futura:
Arcanos promit sensus : fata abdita pandit.
Ille facit uates / additq; in carmina uires:
Haeroum fera bella canit / laudesq; deorum.
Sublimem facit ille uirum : facit ille disertum:
Et tacito phoebi stimulos sub pectore versat.
Quinetiam uates hedera pallente coronat:
Ascribitq; suae phoebo haud renuente cateruae.
Non etenim sine mente uiri / sine numine diuum
Concipiunt tantos mortali pectore sensus.
Est deus ille deus : pectus qui uexat anhelum:
Sollicitam inspirat mentem : stimulisq; fatigat.
Hoc Phoebus Bacchusq; facit . dat uterq; furorem:
Numen uterq; suum inspirat : dat uterq; coronam:
Ipse suam phoebus laurum : tu Bacche corimbos.
Utq; hederæ arboreos circundant palmite truncos:
Et ramos cingunt omnes : perq; omnia serpunt:
Sic sensus calor illè dei complectitur omnes:
Permeat & uenas sensim : & praecordia uincit.
Utq; uirent illae semper : nec tempore canas
Amittunt frondes : sic carminis omne per aeuum
Durat : & aeternam seruat sibi gloria nomen.
Sed iam Bachus abit : plausumq; extollit in auras.
Madalium Antoni uox deserit ipsa canentem:
Membraq; feruenti defecta furore rigescunt.

Ad Carolum Becossum

MYRTVS

Vltimus aemonias frondes : & munera Bacchi.
Tertia perfectæ subtexere dona coronae
Carole restat adhuc : venus indignata fauorē
Ne neget alma suum : faciatq; euadere Salmam
Difficilem : ac surdas posthac mihi praebeat aures.
Myrtum igitur ueneris breuiter nunc accipe dicam:
Imperium ut solus posset retinere paternum:
Falcifer : ut perhibent : cano genitalia patri

Abscidit : & medium longe deiecit in aequor.
Incaluit uiuo raptus de corpore sanguis:
Confususq; salis spumis concreuit : & ipsam
Aequoreis subito uenerem concepit in undis.
Protinus orta petit terras : & proxima nando
Littora : & in cypriam primum descendit harenam.
Myrtea forte fuit paphio tum littore salua
Ramorum amplexu - atq; umbris horrentibus atra.
Proripit huc se nuda venus : tutoq; recessu
Abditur : & uiridi praetexit corpus amictu.
Hinc meriti sine fine memor flauentia myrto
Tempora circundat : iubet hanc gestare ministros:
His templa / his sacras ornari frondibus aras.
Ut quae prima deae gratum - cum uestis egeret:
Praetinit officium : ramosq; obtendit opacos:
Haec illi sacrata locis foret omnibus arbor.
Et ueneris sacros inter fidosq; ministros
Est phoebe numerosa cohors : pars maxima uatum.
Nam post castalios latices - & dona sororum
Innumeros cytherea tenet - mollisq; Cupido.
Nec grauius heroo resonant modo carmine bella:
Sed dulces elego tenui modulantur amores:
Nec ueneri seruire pudet : durasq; puellae
Excubias agere ante fores : placidasq; benigno
Nunc dare - nunc tumidas irato pectore uoces.
Suggestit ipsa venus uoces ac uerba precanti:
Iratoq; minas - & tristia carmina dictat.
Ipsa docet uarias elegos iactare querelas:
Et placido iratam dominam deflectere cantu.
Deniq; blanditias uati gratumq; leporem
Suppeditat : mollesq; iocos - lususq; procaces.
Quin audire suas cariq; cupididinis illam
Saepe iuuat laudes : gaudet quoq; uatibus ipsis
Misceri : & doctas inter relidere camoenas.
Saepe etiam Idalium - Cyprumq; - altamq; Cytheram

Deserit : & uates / nympharumq; antra reuísit :
 Et puero . & molli caritum stipara corona .
 At uenerem leti uates / letęq; sorores
 Excipiunt : celebrantq; choros : & gaudia iungunt .
 Hinc myrto cytherea suos redimire poetas
 Est dignata : sibiq; suos dedit esse ministros . .
 Illi alacres paphiae donis / & numine diuae
 Et matri / & puero referunt sua sacra quotannis .
 Thure onerant sacras fertisq; recentibus aras :
 Et Venerem accepta redimiti fronde salutant .
 Haec modo sufficiant : retines iam Carole myrtum .

TANAIS NERLIVS

Pontanum loquitur generosa Naepolis unum :
 Et Carmelitam Mantua docta sacrum .
 Facundi gaudent Mutinenses carmine Saxi :
 Loetatur Gallo martia Roma suo .
 Nunc quoq; Madalius dicetur laudabus amplis
 In Cortonensi gloria prima solo

ANTONIVS NERLIVS

Gaudete aufonii : post plurima saecula tandem
 Vester ab exilio Naso poeta redit .
 Corpus inire aliud qui nos de corpore dixit :
 Accepere modo uerba fidem Samii .
 Quis negat ? ecce mei noscis sub corde Magistri
 Nasonem nostris uiuere temporibus .



